

安平縣志  
二

地360.123

36

部二二





安平縣志卷之三

營建志 城池 廟宇 寺觀 附 公署行署驛署監獄附 壇壝 祠祀 坊表

春秋之法。凡有興作。必書重民力。亦以卹民勞也。

國朝厚澤深仁。力征俱免。所有大功大役。無不令有司估計工程。揆支帑項。況夫城池以衛民。公署以聽政。壇廟以事神。祠祀坊表以興行。苟不詳為紀載。大典不幾缺如乎。至寺觀雖無關於治道。而因其俗之所尚。亦附載於壇廟。俾事神者轉而事人。則未必非聖人神道設教之意也。志營建。

安平縣志

卷三 城池

城池

明以前為盧三寨。無所謂城也。洪武十八年設平壩衛。二十三年世襲指揮金鎮始相度城基。依山為城。甃以磚石。盧志稿高一丈。厚五尺。門四。城樓四。月城一。通志西枕天馬。東依東溪。臨平田。南包梵刹奇崖。及東嶽廟後山。北臨平川平田。西北緣文昌山而下。西南跨蟒蛇洞。及西水關。東南臨平田。跨東水關。東北臨田。周圍九百一十丈。城基多巖石。不能為濠。萬曆四十一年癸丑。狎匪數度入城。恣意屠掠。四十三年乙卯。





掌印指揮黃運清以城數被賊皆由城惡詳請增修雉堞高  
廣城樓盧黃志天啓二年壬戌水西賊安邦彥兩次圍城崇  
正三年庚午總督朱燮元巡閱至衛添建月樓二座盧黃志  
六年癸酉柔遠遊擊金良田指揮韓憲忠鄉宦黃運昌譚先  
哲陳達道王之賢各捐金增修敵臺六座盧黃志

國朝順治四年丁亥流賊孫可望入寇城陷士民殺戮過半片瓦  
無存乾隆二十年知縣文中美以舊城屢經賊陷傾圮過半  
詳請改修七月奉委安順府周會同估計造冊

# 安平縣志

## 卷三

城池

二

奏請撥帑二萬一千六百五十五兩九錢二分有零計修今城垣  
方一千一百四十九丈八尺除四門臺基每座寬三丈三尺  
實在城身一千一百三十六丈六尺計六里三分八厘七毫  
城脚入土二尺身高一丈脚寬牆厚各一丈收頂七尺俱以  
五面光石砌造中填碎石灌以灰漿牆頂安堞口一千零九  
十五箇堞高四尺門碕城樓四座炮臺炮房各四座東西水  
關二道每道寬一丈六尺上跨城身堞口城門四鐵葉門扇  
八洞深二丈二尺外洞高一丈一尺內洞一丈五尺外口寬



一丈一尺。內口一丈四尺。二十三年七月奉

部核減銀四百一十兩三錢九分六厘。文令調任貴筑。署令

王偉任奉文核計奏銷。遇有坍塌。縣官自為捐修。乾隆三十

九年。紳民劉芝蘭等議修東門月城。不果。東西水關。舊有木

柵。數為竊賊挖毀。嘉慶十七年壬戌。知縣陳嘉祚捐砌石柵。

并額四門。城樓東曰景春。西曰寶成。南曰通順。北曰承恩。

明柔遠所城。在今柔西齊伯房周圍二千八百七十丈。東門

明威武城。在老樂平。今

# 安平縣志

## 卷三 城池

三

### 公署

#### 縣署

明洪武十八年建。在署北門。後燬於兵。暫住黃鄉官宅地。嗣

復重建。順治四年城陷。衙署灰燼。康熙十年。守備盧大濟重

建。盧志二十六年。改衛設縣。仍舊衙署基。建大堂三間。住房

三間。二十八年。知縣丁秉剛。增建左右耳房各二間。大堂

右書吏房二間。大門三間。康熙三十年。知縣黃亮增建二

門三間。大堂左書吏房三間。內書房三間。乾隆七年。知縣康



萬里詳請重修。冊籍無存。三十四年六月。知縣王雨溥折修大堂三間。左右書史房六間。差房二間。增建大堂捲棚三間。二堂五間。西廂房五間。捲棚二間。內住房五間。左右廂房六間。新蓋照壁一座。又折修頭門三間。二門三間。四十六年。知縣蔡蘭芳折修內堂三間。幕友房三間。二堂捲棚三間。書房三間。嘉慶十四年。知縣張振折修南書房三間。道光五年。知縣劉祖憲添建東廚房五間。折修二堂左右廂房各二間。

教諭署

安平縣志

卷三

公署

四

復設教諭時。未有衙署。往往賃居民房。乾隆三十年。張運新等。以學中留存祭器銀三十一兩五錢。合廟租銀二十五兩。買得孫家坡楊沛住宅。為今署正房三間。廂房二間。頭門間。

訓導署

明時有衛訓導署。順治十五年。改為教授署。相傳在今書院之右首。後燬於兵。往往寄居僧寺。或賃民房。卒無定所。康熙二十六年。改衛教授為訓導。新授訓導張之佩。修建正房三間。頭門三間。



典史署

在縣署右。係舊察院行署基址。康熙二十七年。典史聞元聲建大堂三間。內住房三間。左右耳房各二間。康熙四十八年。添建二堂三間。內書房三間。左右廂房四間。長班房二間。馬房二間。水火夫房二間。多用細木撐架。編竹為籬。上蓋茅草。嗣漸朽爛。乾隆四十二年。典史何廷魁。折修頭門一間。二門一間。大堂三間。二堂三間。內住房三間。內書房三間。左右廂房四間。長班房二間。馬房二間。廚房三間。水火夫房二間。

安平縣志

卷三

公署

五

安順營千總署

明天啓萬曆中。為故宦劉民愛等居址。順治四年。城陷。劉氏遷移。其地遂為汛署。康熙二十六年。以把總陳祿分防縣汛。改汛署為今署。乾隆二年。折修頭門大堂三間。左右廂房各二間。內住房三間。年久坍塌。道光四年。千總吳宗舜。折修頭門大堂三間。住房三間。左廂房二間。重建右廂房三間。

各署官地界址并年收租穀租錢數目附

縣署官地。除署內西邊圍圍一畝六分。四面均有圍牆為界。



外所有附署官地。西首自民人劉柱借蓋官地起。至東邊謝  
貴借蓋官地止。正北自照壁起。至南邊穆淮等私地止。共計  
八十一間。舊例每年每間上納官租銀一錢。嗣因居民多係  
貧窮。暨予豁免。如有遷居。所有木瓦各料。聽其變賣。退還官  
地。不准估據及私行典賣。如官有創蓋公所房屋。則量照時  
價。給與木瓦價值。勒令該民遷移別住。如無其事。仍准該民  
照舊居住。免其納租。相沿已久。自應永以為例。但恐居民無  
知。悞將官地典賣。今將借蓋住屋姓名。及房屋間數列後。

# 安平縣志

## 卷三

### 公署官地

#### 六

一街民劉柱借地蓋屋三間。東至縣署頭門地。西劉德三間。許  
翠三間。朱紹典三間。章煥然三間。

以上十五間。坐北向南。西俱抵路。

一街民袁上葵借地蓋屋四間。北至縣倉地。南至袁上啓借住官地。袁上啓三間。  
袁上法二間。周愷順二間。袁魁一間。其房久經折毀。還官。所

聖諭今為宣講之處

以上十一間俱坐西向東

一街民黃有借地蓋屋三間。西至街路東至張張老大二間。李



芝魏二間。湯士有三間。葉貴二間。史柱二間。借西抵石教

以上十四間俱坐南向北。

一街民石教借地蓋屋四間。北至照牆外空地西汪黃氏借住官地汪黃氏二間。

袁材一間。黃玉三間。借西黃地

以上十間俱坐西向東。

一街民黃有又借地蓋屋二間。東抵黃玉黃高地黃文紀二

間。孤貧楊大一間。西抵黃有地

以上七間俱坐北向南。

# 安平縣志

## 卷三

公署官地

七

一街民黎松借地蓋屋二間。南至街路東抵袁上清私地王朝法

三間。王廷梅二間。楊貴三間。袁上科三間。楊成章三間。歐貴

二間。孫廣二間。謝貴四間。東北抵彭地

以上二十四間俱坐東向西。

捕署官地。除署內北邊圍圃一畝二分。并四面均有圍牆為

界外所有附署官地。西首自民人楊應賢借蓋官地起。至東

邊雷興發借蓋官地止。北自捕署照壁起。至南邊東首江升

借蓋官地止。共計十一間。每年每間上納官租錢七十文。致



祭財神。餘俱照縣署官地例。

一街民楊應賢借地蓋屋三間。東北至捕署牆西坐西向東。

一街民李志朋借地蓋屋四間。東北俱抵捕署牆雷興發三間。

東至民人郝賢私地北至捕署江升一間。東至本名下地南

牆西至捕署頭門牆南至官地至捕署以上俱坐北向南。

訓導署官地。除本署四面均有圍牆為界外。所有附署官地。

西抵馬王廟園埂。北抵書院石牆。南抵安平汎地。東抵營房

內有民人借蓋官地五間。年共納官租錢三百五十文。餘俱

# 安平縣志

## 卷三

### 公署官地

八

照縣署官地例。所有兩學年收租穀。并糧額寒生租均載於後

一收界首舖舖田租穀九石六斗八升。內佃戶焦鳳承納租穀

一石八斗四升五合。曾德明一石一斗七升五合。趙大德大

富大發一石零七升五合。黃國紀八斗七升五合。石文仲七

斗六升。張月盈六斗七升五合。柳遇春六斗三升。曾德盛四

斗五升。曾德昭四斗一升五合。劉起四斗。楊文富三斗五升。

曾德著曾喜各納穀三斗。王大朋二斗五升。張大忠一斗八

升。查此相合下副學所收界首租穀原於康熙四十五年市



石、明倫堂、碑、末載、教諭、葉林、新訓、導田、起虬、詳稱、竊照、前撫、憲、疏、請、設、立、苗、民、義、學、卑、職、等、創、建、義、學、一、所、其、苗、民、子、弟、來、學、者、已、經、造、具、花、名、申、報、在、案、訓、導、田、起、虬、親、為、訓、課、隨、蒙、憲、檄、查、明、無、碍、田、土、撥、入、義、學、以、資、膏、火、修、葺、等、因、奉、此、除、卑、職、田、起、虬、捐、買、田、租、十、市、石、八、斗、外、查、出、縣、屬、頭、鋪、鋪、軍、場、張、數、姓、等、除、原、額、五、十、二、畝、外、新、懇、田、一、十、二、畝、未、經、報、呈、壘、情、願、捐、租、二、十、市、石、充、入、義、學、以、免、爭、競、紳、士、等、請、將、此、租、撥、為、書、院、膏、火、教、諭、趙、元、仁、移、稱、查、閱、明、倫、堂、碑、記、此、義、學、非、縣、所、設、亦、非、紳、士、等、所、捐、乃、教、官、創、建、訓、課、苗、民、子、弟、之、義、學、教、官、創、之、即、教、官、教、之、今、義、學、雖、廢、而、此、租、歷、係、教、官、徵、收、已、經、百、年、未、便、更、易、等、語、知、縣、陳、嘉、祚、而、仍、斷、歸、兩、學、殘、照、舊、收、租、其、殘、碑、今、更、殘、毀、附、錄、其、始、末、於、此、

一收東關廂泮池田租穀三石佃戶楊位全德俊各分半承納

安平縣志

卷三

公署田租

九

此租內抽出穀三京石零五升歷年赴縣輸納以爲寒生米之用其不敷者由縣赴司請領發給

一收五里屯田租穀五石二斗佃戶黃五舉五朝各半分納

一收太平哨田租穀一石八斗佃戶王國寧承納九斗李逢達

承納六斗林登榜承納三斗

一收三岔溝田租穀一石五斗佃戶陳紹樊承納

一收龍箐田租穀二石二斗內佃戶張大友承納穀一石五斗

一升趙讓邦六斗九升

一收畫眉冲豆租三斗學莊佃戶輪流耕納



以上共租穀二十三石三斗八升。豆租三斗。俱市斗。均有斗面。歷係正學徵收。年納左一糧穀一斗零八合。左十糧穀五升四合。界首糧穀一斗六升二合。又應納東關廟寒生穀三京石零五升。

一收界首舖租穀一十石零二斗四升五合。內佃戶曾德柱承納租穀一石七斗一升五合。曾德昭一石一斗七升五合。焦鳳一石二升五合。譚盱一石二升。柳新春九斗。黃國紀八斗七升五合。曾德奉七斗五升。趙子顏大發大富共納八斗七

# 安平縣志

## 卷三

公署田租

十

升零三碗。張清六斗二升五合。劉起四斗。曾啟三斗五升。曾德盛二斗。張大忠一斗四升。柳文進趙大明各納穀一斗。

一收上頭舖租穀二石四斗。原佃阿柒承納。

一收前八租穀八斗。佃戶劉建國承納。

一收玲弄租穀二石二斗。佃戶張才沈沛各納穀七斗五升五合。趙元泰六斗九升。

一收上洛陽租穀四石。佃戶周欽周德玉分納。

一收下洛陽租穀二石。佃戶吳天衢承納。祖此二項之租內抽出



歷年赴縣輸納  
以為寒生之米

一收本城租穀三市斗。佃戶韓大智承納。

一收畫眉冲豆租三市斗。學莊佃戶輪流耕納。

以上共租穀二十一石九斗四升五合三碗。豆租三斗。

俱市斗。均有斗面。歷係副學徵收。年納界首糧穀

一斗六升二合。左一糧穀一斗零八合。前八糧穀

五升四合。又每年應納下洛陽寒生租穀三京石

零五升。

# 安平縣志

## 卷三

### 公署田租

十一

安平汎署外官地。東抵民人許彬界。南抵李澍界。西抵余文  
卓界。北抵學署。東界內蓋兵房三十三間。

一民人趙發史忠借地蓋屋五間。每年每間上納官租錢一百  
文。

一大十字街舖面一間。千總胡琴西林捐修。乾隆五十二年當  
與街民黃占魁得銀一十四兩。每年上納地租銀二兩。

明衛守備署 為今縣署

明衛千總署 在今齊伯房五顯廟



明千戶署 在十朱橋

明威武所署 在今老樂平為梅孝廉屋基

明掌印指揮署 百戶署 屯搵巡捕署

衛經歷署 衛訓導署 驛丞署 世襲站官署 駐鎮同

知署 以上各署均燬於兵

土司署 在今西堡馬場官寨世為沙氏地今圯

行署

明時有察院行署 康熙二十六年改為典史衙署 所有差使

# 安平縣志

## 卷三

行署

皆借居民屋。見黃志乾隆三十二年知縣王雨溥從街民程先

章所請將其店房一所前後三進一十五間改為行署年給

租銀。又於程先章屋後隙地添蓋上房三大間左右廂房各

三間。乾隆四十三年四月署令楚來朝詳府立案定給每年

租銀四兩米四石。按李給領今仍其舊。道光七年知縣劉祖憲重修

驛署

明洪武初在沙作站。即今沙作舖以罪重者充發當軍抬扛明末

又改為金筑驛。盧志稿移建於站口。即今東關廟為驛丞所管康熙



二十七年。驛署仍在站口。三十年知縣黃亮始於今地捐建驛館三間。草蓋馬房二間。乾隆三十四年知縣王雨溥折修驛館三間。廚房二間。草蓋馬房五間。捲棚一間。日久坍塌。道光七年知縣劉祖憲重建驛館四間。捲棚三間。折修馬房六間。

北官廳

舊在北門外教場壩。創建年月無考。嘉慶十九年知縣陳嘉祚修建。道光六年知縣劉祖憲重修。

安平縣志

卷三

驛署

七

南官廳

舊在南門山脚。創建年月無考。嘉慶十四年知縣張振移建。今地道光六年知縣劉祖憲重修。加用土牆三道。

演武廳

明時在北門外教場壩。盧志康熙年間燬。後遂移建於西門外城邊。今存。

監獄附

明代監獄久圯。一應罪犯。皆撥役看守。民役胥累。康熙三十



一年知縣黃亮新建獄房三間。繚以石牆高一丈。

### 壇壝

#### 社稷壇

在城西門外坡上。俗呼社壇明洪武十八年建。為壇依神木主北向。周以垣墉。齋有所。庫有厨。歲以春秋二仲上戊日致祭。

盧志今圯。

#### 先農壇

在城北一里。寬二丈五尺。高二尺一寸。康熙二十六年建。正

## 安平縣志

### 卷三

壇壝

八

房三間。神倉一間。省牲所一間。俱毀。道光元年知縣徐玉章重建正房三間。每歲春間。遵照部頒吉日致祭。祭畢。詣藉田。行耕藉禮。藉田在壇前。

#### 山川雷雨壇

在城南。其制一如社稷壇。歲以春秋二仲上巳日。陳其主。合祭之。盧志雍正四年。令各府州縣即於社稷壇祈禱。不必另設零壇。其後遂廢。

#### 厲壇



在城北一里壇無定式。每年以清明日七月望日十月朔日。致祭。前一日縣官備香燭詣城隍廟。牒告城隍。主厲祭。至期文武各官迎供城隍於壇上。禮畢讀告厲文。榜無祀鬼神而分祭之。豕一羊一羹飯冥衣褚錢從厚。仍率寺僧諷誦。口經文。

廟宇 寺觀附

關聖廟 一在北門內。明永樂年間建。天啓四年助戰破賊鬚鬢汗出。巡撫傅宗龍重建。康熙九年修。嘉慶十年重修。正殿三間。乾隆五十二年重修。順治七年重建。

# 安平縣志

## 卷三 廟宇

九

謹按關聖在唐時從祀於太公武成王廟。後梁廢從祀之禮。後周復之。宋宣和五年封武廟中從祀諸賢為侯伯。以張良配享。而關聖及周瑜輩皆在兩廡之下。明初增祀關公廟。洪武時稱漢前將軍壽亭侯。嘉靖十年改稱漢前將軍漢壽亭侯。祀以四孟。

國朝順治元年定每歲五月十三日誕辰致祭。九年

勅封忠義神武關聖大帝。雍正三年

勅封關聖三代公爵。曾祖曰光昭公。祖曰裕昌公。父曰成忠公。議



以三代名氏未詳。引孟孫氏配享之例。止書爵號。不書名氏。其後殷亦只設主。不塑像。○謹按康熙十七年戊午。昌平士人于昌。讀書於昌。名授州之塔廟。相傳為聖祖。起見人掘井。得一寶。磚石為掘者所斷。中紀關聖三代及生沒甲子。字諱事。乃即碑。酌以巨觥。曰。煩椽筆叙生平。今二十二年。仍符前夢。祖諱審。字聞之。號石盤。漢和帝永初二年。庚寅生。居解梁。常平村。寶池里。絕意進取。以春秋訓子。數十年。至桓帝永壽三年。丁酉卒。壽六十有八。一侯父諱毅。字道遠。廬墓終喪。歸已為桓帝延熹二年。明歲庚子六月二十四日。產侯於故里。侯長。讀父遺書。不輟。博通淹貫。娶婦胡氏。於靈帝光和元年。戊午五月十三日。生子平。次年詣郡。陳時事。不報。杖義殺豪。右呂熊等七人。吏捕之急。胡抱平。乾隆三十年。匿母家。以免。此王碑之大畧也。

# 安平縣志

## 卷三

廟宇

十

勅封忠義神武靈佑關聖大帝。每歲五月神誕。致祭外。春秋二祭。

仍奉 部文頒定日期。其祭品。制帛一。白牛一。羊一。豕一。釧

籩豆簠簋與 文廟同。前期一日。齋戒。省牲滌器。至日。各官

朝服行三獻禮。與 文廟同。惟無樂舞。

部頒關聖先代三公祝文。

曰。惟

公世澤貽麻。靈源積慶。德能昌後。篤生神武之英。善則歸親。宜享

尊榮之報。列上公之封爵。



錫命優榮。合三世以肇禋。典章明備。時值仲春祇事薦馨尚饗。  
部頒闕聖祝文。

曰惟

帝浩氣凌霄。丹心貫日。扶正統而彰信義。威振九州。完大節以篤  
忠貞。名高三國。

神明如在。編祠宇於寰區。靈應丕昭。薦馨香於百代。屢徃異績。顯  
佑羣生。恭值

嘉辰。遵行祀典。筵陳饗豆。几奠牲醪。尚饗。

安平縣志

卷三 廟宇

十一

重修平壩衛關帝行宮碑記

傅宗龍

天啓四年歲在甲子。宗龍奉勅護軍。以是歲十一月甲子。大  
將軍魯欽等大破水西兵於普定之汪家衝。逆彥墜馬。幾獲  
露布以聞。稱奇捷焉。余時駐平壩。距普定一舍。先一日。衛弁  
走告余。本衛所祠祀伏魔大帝。鬚鬢汗流。似是助官兵破賊。  
余問何以知之。衛弁具言。往歲彥賊率眾數萬。圍平城。攻拒  
甚急。老幼男女。登陴而泣。懼旦夕供賊刀俎。拒守數日。賊圍  
解去。時有自賊中逃回者。言賊中喧傳城上旌旗甲仗人馬。



甚盛。度不可取。故去圍。全時祈福於祠者。咸覩大帝鬚鬢汗流。及賊去。得賊中傳言。始知賊所望見旌旗甲仗人馬。乃大帝神力之所化現也。徵以往事。今日之陰助官兵無疑。余聞而異之。已而官兵果大破賊。報至。宗龍詣大帝行宮謁謝。仰瞻帝像。英毅莊嚴。令人魄悸。余却立簾下。顧謂諸將吏曰。吾行天下。瞻帝像多矣。無如此像之凜凜有生氣者。其神力化現。庇此一方。誠可信不妄。而殿宇湫隘。宮門逼邇。大道車塵馬足。及於堂階。殊非崇奉之意。乃捐金檄衛弁。擴其舊基。殿

安平縣志

卷三

廟宇

十二

廡坊垣皆新建。門屏外砌石為衢。狀如半月。俾往來者環屏外行。視疇昔差可展敬。私心微以為慰。竊復自念大帝廟宇遍海內。其壯麗宏邃。視此何啻千百。此何足邀大帝之一盼哉。然匹夫匹婦。苟存誠敬。即可格神。矧大帝照臨下土。孜孜以馘賊拯民為念。茲烽火干戈之域。老幼男女。非大帝無所請命。大帝不以平城為小。不以平城之人為少。特化現而保全之。豈其以茲宮為不壯麗宏邃也。而不居歆。必不其然。又憶余於天啓元年。領兩浙之役。請假歸省。以十一月入黔。抵



平越。賊突興於前。余於黑泥舖後登山望之。適有一斗室。祀大帝像。余拜起。語同行親友曰。大帝在此。賊必不能為害。未幾賊循山而遁。以黔亂道阻。二年五月。赴浙。冒險出建昌。至小象嶺下。番獍數百。前後截之。進退失據。部送者都無人色。余下馬入一廢營。小憩覓計。而草萊中又適有一斗室。祀大帝像。余喜極。趨拜秘祝已。復語同行親友曰。去年大帝佑余於平越。今必見佑。賊何能為。少頃。通事致番獍言。欲一望見繡衣。不敢驚阻。遂按轡度嶺。羣賊墻立不譁。非藉大帝之威。

安平縣志

卷三 廟宇

十三

靈。幾不獲免於難。宗龍何以邀此於大帝哉。毋亦區區忠義。大帝實鑒之。故當危急迫阨之際。輒顯示隲相如此。夫荒舖廢營之中。凡有祠祀。而大帝無不在焉。茲斯宮為大帝所居。歆復奚疑。余自維弱劣庸愚。無能稱職。獨是區區忠義。矢之不渝。且勉脩護軍之職。以圖逆酋。庶幾仰副大帝。馘賊拯民之念於萬分之一。而馘賊拯民。余還以祈望於大帝。徵之往事。余其遂所祈望乎。敬磨石記之。以昭大帝之靈貺。且示平城之人。永永無忘大帝之賜也。是為記。



祀田附

一隆武元年。張經濟義捐汪家坪田一分。納租穀壹斗叁升。

一康熙三十四年。公買韓朝彥木龍潭料田一分。納租穀壹石

伍斗。

一康熙四十六年。張士祿義捐北門外大園一所。納租穀陸斗。

一康熙三十六年。公買史書砂石冲料田一分。納租穀柒石。

一康熙四十五年。公買朱文玉龍洞橋料田一分。納租穀貳石

柒斗。

安平縣志

卷三

廟宇

十四

一雍正六年。公買蕪國相鸚嘴石料田一分。納租穀壹石伍斗。

一乾隆十四年。公買衛珩龍洞橋料田一分。納租穀肆石捌斗。

一乾隆三十九年。公買曾學孔砂石冲料田一分。納租穀叁石

叁斗市石俱

一嘉慶十五年。知縣張振。因民人黃大政。與其胞弟黃大魁等

互控阿烈田畝產業。計訟累年。構禍不息。遂捐廉銀買置阿

烈全莊。詳明臬憲。作記立石。共買得黃王氏同男欣文欣高

中九阿烈田草房九間。田十八分。共計一百二十八坵。地名



下壩、深冲、狗頭山、海琶井、雞田、大關、柴坡冲等處。又荒熟土十二塊、園地四幅、後山坡一幅、柴坡一幅。每年議納租穀、柴、市石、黃楹、黃唐、黃杞三人討耕。所有屯糧米捌斗貳升伍合。及地丁差徭。三佃自行承辦。與官無干。十七年。知縣陳嘉祚。定為春秋祭祀之資。其契據討約碑文各字。統交戶書收藏。毋得遺失。

文昌閣 舊名梓潼閣。在城內西北坡上。萬曆四十七年。邑人劉民仰、民望、民愛、民懷捐建。并捐馬坡、火焰山、田畝。

以為寺僧常住。天啓七年。建下殿。盧志稿云。火燬。康熙初年。邑人鳩建。乾隆年間。重修樓閣。上下各三間。

# 安平縣志

## 卷三 廟宇

十五

兩廡各二間。嘉慶六年。奉部頒致祀頭門三間。

文昌帝君仿照崇祀

關帝典禮。春以二月初三日誕辰致祭。秋以欽天監選定吉日為

祭期。後殿行二跪六叩禮。正殿行三跪九叩禮。餘俱照祭

關帝前後殿儀注行。

文昌帝君先代祝文

祭引先河之義。禮崇反本之思。矧夫世德彌光。延賞斯及。祥

鍾累代。焜列宿之精靈。化被千秋。偉人文之主宰。是尊後殿。



用答

前麻。茲值仲春肅將時事。用申告潔。神其格歆。尚饗。

文昌閣祝文

維

神蹟著西垣。樞環北極。六匡麗曜。協昌運之光華。累代垂靈。為

人文之主宰。扶正久彰。夫感名。薦馨宜致其尊崇。茲屆仲春

用昭時祀。尚其

歆格。鑒此精虔。尚饗。

安平縣志

卷三 廟宇

十六

祀田附

一乾隆五十七年。楊國才義捐陶官堡當田。價銀肆拾貳兩。買

置楊遇春祥吊巖科田一分。吳大明討耕。年納租穀叁市石

伍斗。以為秋祭之用。

一嘉慶八年。楊洪捐當得學宮後田一坵。佃納租穀貳市石伍

斗。年載右一糧米壹斗伍升。以為春秋祭祀之資。原業主唐

銓。陳廷相。即於是年立契賣斷。

城隍廟在東門內。明天啓元年。建康熙五十七年。重修。嘉慶三年。添建後頭



門牌樓三間。戲樓三間。左右  
兩廡各十二間。土地祠一間。

謹按周禮有司民之祭。唐李陽冰立當塗縣城隍廟。塑像貌。加以封爵。宋史太祖太宗時水旱稍久。遣官禱城隍。及熙寧元祐崇寧宣和之間。多賜額封號。明史洪武二年禮官言此事莫詳其始。先儒謂既有社。不宜復有城隍。唐陽冰縉雲城隍記亦謂祀典無之。惟吳越有也。然成都城隍祠李德裕所建。張說有祭城隍文。杜牧有祭黃州城隍文。則不獨吳越有之。又蕪湖城隍廟。建於吳赤烏二年。高齊慕容儼梁武陵王

安平縣志

卷三

廟宇

十七

祀城隍。皆書於史冊。又不獨唐時為然也。宋以來其祠偏天下。或賜廟額。或頒封爵。或指一人以為神之姓名。按張說祭荊州城隍文曰。城隍是保。庶民是依。則前代祭祀之意有在也。今宜附祭於嶽瀆諸神之壇。乃命加以封爵。京都為承天監國司民昇福明靈王。開封臨濠太平和州滁州皆封為王。其餘府為鑒察司民城隍威靈公。秩正二品。州為鑒察司民城隍靈佑侯。秩三品。縣為鑒察司民城隍顯佑伯。秩四品。表章冕服俱有差。命詞臣撰制文以頒之。永樂中建廟都城之



西曰大威靈祠。宏治元年。禮部尚書周洪謨等言。京都城隍之神。舊在順天府西南。以五月十一日為神誕辰。遣官致祀。嘉靖九年。以仲秋祭都城隍及神誕。皆遣太常寺堂上官行禮。國有大災。則告廟。在王國者。王親祭之。在各府州縣者。守令主之。歷代之祀城隍如此其重也。

國朝順治二年八月二十七日。祭遣太常寺堂官行禮。八年。凡遇萬壽聖節。遣官致祭。雍正二年。議滿漢尚書侍郎二員。以備欽點。其禮神帛一。白色。白磁爵三。牛一。羊一。豕一。鉶二。簋簠各二。

# 安平縣志

## 卷三

廟宇

十八

籩豆各十。

萬壽節。果品五盤。酒一尊。况今山川風雲雷雨之壇。城隍在焉。屬壇之祭。城隍主之。功令所著。又如此其煌煌也。然則城隍之神。亦如有土者為民之所依。彰彰無疑也。祖憲自丁丑作宦以來。誠心敬事。屢蒙神庇。及蒞安平。遇有祈年禱雨。及疑難大獄。無不響應。數年之間。時和年豐。嘉禾三穗。民氣和平。訟獄漸少。莫非神之所賜也。故敬考祀典。釐正祀田。以寓故事之意云。



祀田附

一天啓二年。公買周天明平莊水井邊科田一分大小七坵。納租穀貳石。

一順治十二年。偽號為永曆七年張鳴岐義捐龍碕田一分大小八坵。

納租穀伍斗

一順治十三年。楊呈秀義捐江西寨田一分大小三坵。納租穀貳石

一順治十三年。葉陽鳳義捐花堡子田一分。納租穀壹石。

安平縣志

卷三 廟宇

十九

一順治十八年。黃天谷義捐南門城牆脚田一分大小三坵。納租穀伍石。

一康熙十四年。公買金紹統南門橋科田一分大小一段。納租穀貳石貳斗。

一康熙十四年。劉士吉義捐長官壩科田一分大小四坵。納租穀壹石

一康熙二十四年。楊文先義捐川石隴科田一段。納租穀捌石

一康熙三十一年。公買高堡子科田一分。納租穀貳石貳斗。



一康熙三十五年。班朝興義捐洗家堂田一分。大小四坵。納租穀壹石貳斗。

一康熙三十六年。易應先義捐內長坡左十科田一分。大小九坵。納租穀貳石。

一康熙三十六年。易應朝義捐汪家冲田一分。大小三坵。納租穀叁石捌斗。

一康熙三十七年。王啓運義捐界首鋪田一分。納租穀拾貳石。

一康熙四十二年。劉應胡義捐施金當魁田大小十一坵。納租

安平縣志

卷三

廟宇

二十

穀叁石陸斗。

一康熙四十三年。公買五里屯土一塊。納租伍斗。

一康熙四十四年。黃金香義捐洛陽田一分。納租穀伍斗。

一康熙四十四年。公買班正文榜上科田一分。納租伍石。

一康熙四十六年。何倫義捐碕門首田一分。納租柒斗。

一康熙五十二年。公買猫兒山科田一分。大小十八坵。納租穀捌石捌斗。

一康熙五十二年。公買李枝桂清濱堡田一分。大小十四坵。納



租穀伍石。

一康熙五十九年。孫朝俸義捐向陽莊田一分。納租穀叁斗。

一雍正四年。何王氏義捐馬落坑田一分。納租穀叁斗。

一雍正四年。李大德義捐花堡子田一分。大小三址。納租穀壹

石壹斗。

一雍正十二年。劉大德義捐老虎冲田一分。納租穀伍斗。

一雍正十三年。鍾國相義捐礮背田一分。大小二址。納租穀

壹石捌斗。

安平縣志

卷三

廟宇

二十一

一乾隆二年。張倫義捐水潼坡田一分。納租穀伍斗。

一乾隆十一年。韓先啓義捐高坡哨土一冲。納租貳石。

一乾隆十九年。遲登榜義捐沙作舖田一分。納租穀壹石貳斗。

一乾隆二十一年。曹元萬義捐老營堡田一分。納租穀叁斗。

一乾隆二十四年。葉金氏義捐笋子山土一段。納租穀叁斗。以上

俱市石。

忠烈廟

在北門內。乾隆四十七年。建邑人稱為黑神。田蒙齋黔書載。神姓南名霽雲。凡水旱災。侵穰疫。兵革之事。

有禱必應。能有功德於民。而民受其賜。血食幾百年。土人以其長冠。戰鬚而貌之。黜也。故曰黑神云。



東嶽廟 在東水關前殿後樓舊燬於兵康熙九年重建乾隆二十六年重修

龍王廟 在東門內道光元年新建

龍王小廟 在龍井坎道光六年新建

五顯廟 在南門外

五顯廟 在南門外

三清觀 在西門外正統年間建嘉靖年間重修

祖師廟 在城內十字街南

華光廟 原在城內南街清溪堡順治初年燬康熙三十三年

安平縣志

卷三 廟宇

二十二

年增修頭門三間

儀神廟 在東門內乾隆二十三年新建

永福寺 在南門外九年尚存樓房五間康熙年間建後

小觀音寺 在東門外康熙初年

紫竹庵 在西門外指揮韓憲忠建康熙六年韓重建康熙間

起口銅龍亭一座重千餘助以魁

靈官廟 在西門外八年改建盧志稿

靈官廟 在北門內乾隆二十七年重建



馬王廟 在城內 舊燬 嘉慶十年重建

水星閣 在城內 西街 乾隆四年新建

以上俱在城內

祖師廟 在東關廂 距城二里 康熙二十七年建 嘉慶十七年重修 正殿三間 左石廂房各三間 廂樓三間 頭門三間

金鰲山寺 距城東五里 寺兩旁有奇崖

興隆寺 山在梯子城 八洞興隆

玉皇閣 距城江西里

迴龍山寺 城在穿石里 距

# 安平縣志

## 卷三

廟宇

二十三

祖師廟 城在老雞場 距

鐘靈山寺 城在何家里 距

衍慶庵 城在洛陽 距

青龍寺 距城東龍井寨

象山寺 城在二十里 寨距

關聖廟 城在羊場五里 距

五顯廟 城在羊場五里 距

高峯寺 在高峯山 距城三十里 順治八年 峯山僧自撰 碑記詳藝文 又見山川



迴龍寺 在殷官寨距城三十里康熙初年重建乾隆

青龍寺 城在九十里距

護國寺 距在鋪隴小堡

水星閣 城在三鋪隴場距

龍泉寺 城在猪槽堡距

五顯廟

永興寺 城均在大堡距

永興寺 城在田下堡距

安平縣志

卷三

廟宇

二十四

觀音寺 城在唐基堡距

以上俱在城東

關聖廟 明崇禎十六年僧人康熙十三年重修

文昌閣 明崇禎年間建後燬道光六年知縣劉祖憲借三排紳士崇禎人等捐建與城隍蠶神福德正神同廟分祀

有記詳藝文

城隍廟 明正統年間建不知道燬於何時康熙十三年移祀於

紳士民人鳩建於文昌閣下與蠶神財神同祀

蠶神廟



福德正神廟

五顯廟 明崇禎十六年重建 康熙十三年重修 城內距光緒五年 五十里

峻石廟

二處 供佛 像漸即崩 毀道光六年 廟僧昌洪捐資 重修

山脚又添建上殿廟房二修間自

璧峯寺

城在壘上距 六十里

文昌閣

青龍寺

內均在老樂平城 距城五十里

關聖廟

城在六馬枝上 官寨距 一百九十五里

安平縣志

卷三 廟宇

二十五

關聖廟

一在草利寨 距城 一百六十里

關聖廟

距在喇史枝 多貝寨 一百八十里

斗母閣

財神閣

均在城內 距城一馬枝 沙家馬 一百九十里

黑神廟

城在六馬枝 豬場距 一百九十五里

荆林菴

距在城內 一百枝 打寨 六十里

貞忠寺

一在大弄寨 距城 一百九十里

靈官廟

距在城內 一百枝 養馬寨 八十里



祖師廟 一在底固寨距城

迴龍寺 一在補止寨距城

長興寺 城在蜡柳下紙廠距

以上俱在城西

祖師廟 距城五里

龍鳳寺 濟在龍鳳山碑記載土人言歲庚寅有僧自然鳩建按盧大

徒善首居之遂飄然而去按庚寅為順治七年明年其

後寺咸則此寺之建在順治八年以

# 安平縣志

## 卷三 廟宇

二十六

水月庵 皆在車頭堡溪流中洲上四面

靈光廟 車頭堡十

五顯廟 均在中八車頭堡

祖師廟 城在沙作舖距

雨龍廟 距在城中八雨龍山

永興寺 城在十五里下距

紫雲寺 山在小王下紫雲

落伽山寺 距在城小十五里下



常興寺 城在河下堡距

香山寺 城在薛下距

楊泗廟 城在林下堡距

天台寺 城在飯籠鋪天台山距

三教堂 城在飯籠鋪距

三教堂 城在中伙鋪距

永佛寺 城在成亮堡距

以上俱在城南

安平縣志

卷三

廟宇

二十七

觀音寺 詳龍山洞川

祖師廟 均在界首鋪

觀音寺 城在廖下距

觀音寺 城在朱家庄距

觀音寺 城在花山阿

青龍寺 城在寨阿

觀音寺 城在右距四家堡以上三

青龍寺 城在老營堡距



以上俱在城北

祠記

名宦鄉賢祠

節孝祠正以四年二知祠均在儀鳳門內

謝公祠在城北內驛署北康熙四十五年邑人為縣令謝慶

書公用遂移祀於

坊表

明

# 安平縣志

## 卷三

祠記

二十六

儒林坊志在北門盧

亞元坊嘉靖間為太平府知府邑

中憲坊在城西街萬曆間為廣南府知

望繫蒼生坊知府邑人黃運昌建為永平府

父子司徒坊在城北街萬曆間為戶部瑄建中邑人

大郡名丞坊在叙州府同書知邑人陳連道建今存

間氣開芳坊劉萬曆間為沅州知州邑人

鎖鑰重臣坊在西街天啓間為參政



國朝

貞節坊 一在門南大街順治間指揮瞿鳴豐為鄉宦諱先哲

百歲坊 在南大街董家巷東口康熙間為

節孝流徽坊 乾隆四十年為節婦李何氏建以下八條俱詳節孝

彤管雙輝坊 在東街乾隆五十六年王文輝為其祖母梅氏母譚氏建今存

李張氏坊 在南門大街乾隆九年李張氏建今存

純孝苦節坊 在南門外乾隆四十八年黃王氏建

潛德闡揚坊 在南門外乾隆四十八年陳鄒氏建

安平縣志

卷三

坊表

二十九

冰霜共凜坊 在南門外乾隆五十五年譚毓麟為其祖母張氏建

楊孫氏坊 嘉慶二十四年楊文錦為其母孫氏建

馬蕭氏坊 嘉慶二十五年馬斯臧為其母蕭氏建